



## WES-KAAPSE DKES-UITNODIGING VIR AANSOEKE OM JAARFINANSIERINGSPROJEKTE VIR 2021/22

Die Departement van Kultuursake en Sport (DKES) nooi geregistreerde kuns- en kultuurorganisasies en -instellings, kunstenaarsgroepe, individue wat betrokke is by artistieke uitdrukkings en kuns- en kultuurgebeurtenismaatskappye om hul aanlyn-aansoeke vir projekfinansiering vir die 2021/22-boekjaar in te dien. Alle aansoekers moet Suid-Afrikaanse burgers en in die Wes-Kaap gebaseer wees.

**AANSOEKE WORD INGEWAG VIR BEFONDSING VIR PROJEKTE/PROGRAMME BINNE DIE VOLGENDE BEFONDSINGSKATEGORIEË:**

BEFONDSINGSKATEGORIE	PROGRAM/PROJEK	BEFONDSINGSUITSLAG
1. Opvoering en viering	Choreografiese werke, Tegniese opleiding, draaiboekskryf, sirkus, optredes, komedie, towery, mimiek, poppespel, poësie, dramaspelietjies, storievertelling, musiekteater, Musiekonderrig / komposisies / konferensies / verwerkings ens., Feeste insluitend literêre feeste, toerproduksies en uitstallings in Suid-Afrika en in die buiteland	<ul style="list-style-type: none"> <li>Blootstelling en talentidentifisering</li> <li>Vaardigheidsopleiding en kunsonderrig</li> <li>Werkskepping</li> <li>Verhoog die deelname van aangewese groepe</li> </ul>
2. Visuele Kuns en Kunsvlyt	Beeldende kuns, Handwerkontwerp en -ontwikkeling, Openbare kuns, fotografie, galeryuitstallings	<ul style="list-style-type: none"> <li>Toename in nuwe artistieke werk en kreatiwiteit</li> <li>Werkskepping</li> <li>Gemeenskapsbetrokkenheid en bewustheid</li> </ul>
3. Boeke en Pers	Poëtieskryf, skryftoelaes, kreatiewe skryfwerk (outobiografieë, kinderliteratuur, volksverhale, kortverhale, boekebeurs, literêre tydskrifte, uitgewerssubsidies vir uitgewers)	<ul style="list-style-type: none"> <li>Ontwikkel en moedig nuwe skrywers aan</li> <li>Bevorder kreatiwiteit</li> <li>Bewaring en opname</li> </ul>
4. Oudiovisueel	Film en video, televisie en radio, klankopnames, spelietjies, tekenprente	<ul style="list-style-type: none"> <li>Innovering</li> <li>Produkte wat geproduseer word - positiewe boodskappe oor maatskaplike kwessies</li> <li>Opvoedkundige waarde</li> </ul>
5. Ontwerp en Kreatiewe Dienste	Grafies - animasie en multimedia-ontwerp Modeontwerp	<ul style="list-style-type: none"> <li>Oorspronklike werke eie aan die Wes-Kaap</li> <li>Innovering</li> <li>Vaardigheidsoordrag</li> </ul>
6. Nuwe Werke	Enige dissipline of medium - Weerspieëling van kultuur - en inheemse kuns	<ul style="list-style-type: none"> <li>Verhoogde bewustheid en kennis</li> <li>Inklusiwiteit</li> <li>Kulturele bewustheid, bevordering en bewaring</li> <li>Toon waardering en respek vir kulturele uitdrukkings</li> </ul>

### AANSOEKPROSES

**Alle aansoeke en stawende dokumentasie moet aanlyn ingedien word.** Die aansoekvorms is slegs aanlyn beskikbaar by [www.westerncape.gov.za/cas](http://www.westerncape.gov.za/cas) en navrae rondom die proses kan aan Fareedah Hunter by die volgende e-posadres gerig word: [Fareedah.Hunter@westerncape.gov.za](mailto:Fareedah.Hunter@westerncape.gov.za)

**Aansoeke sluit op Vrydag, 12 Maart 2021 om 15:00.** Die aanlynstelsel kan nie laat aansoeke ontvang nie.

Neem asseblief kennis:

- Befondsing is beperk. Tydige indiening van 'n voltooide aanlyn-aansoek waarborg nie befondsing nie.
- Faksaansoeke, aansoeke per hand afgelewer of e-posaanoeke sal nie aanvaar word nie.
- Slegs een aansoek per organisasie/individue/onderneming per kategorie word aanvaar.